

ՀՍՍՀ ԲԱՆՎՈՐ ԴԱՍԱԿԱՐԳԻ ԳՈՐԾՈՒՆՆՈՒԹՅՈՒՆԸ ՍՈՎԵՏՆԵՐՈՒՄ
ՍՈՑԻԱԼԻՋՄԻ ՏՆՏԵՍԱԿԱՆ ՀԻՄՔԻ ԿԱՌՈՒՑՄԱՆ ԺԱՄԱՆԱԿԱՇՐՋԱՆՈՒՄ
(1926—1932)

ՎԻԿՏՈՐ ԴԱՂԱՔՅԱՆ

Սոցիալիզմի տնտեսական հիմքի կառուցման ժամանակաշրջանում ահեց սովետական բանվոր դասակարգի հասարակական-քաղաքական ակտիվությունը, բարձրացավ նրա գերը պետության կառավարման մեջ: Բանվոր դասակարգը պետության կառավարմանը մասնակցում է կոմունիստական կուսակցության, սովետների, արհմիությունների և հասարակական մյուս կազմակերպությունների միջոցով, սակայն նրա պետական գործունեության զլխավոր ապարկը սովետներն են, որոնք լայն հնարավորություն են տալիս բանվոր դասակարգին պետության կառավարման մեջ իր առաջատար դերն իրականացնելու համար: Նրանք «իրենց ծրագրով լինելով աշխատավորության միջոցով կառավարելու օրգաններ, իրականում հանդիսանում են կառավարման օրգաններ աշխատավորության համար՝ պրոլետարիատի առաջավոր խավի միջոցով...»¹ — գրել է Վ. Ի. Լենինը:

Սոցիալիզմի կառուցման լենինյան պլանի իրագործումը կապված էր խոշոր ղեկավարությունների հաղթահարման հետ և պահանջում էր աշխատավորների ուժերի հսկայական լարում: Առաջնորդվելով լենինյան այն դրույթով, որ սոցիալիստական հասարակության ստեղծումը ժողովրդական լայն մասսաների խնդիրն է, նրանց ստեղծագործ աշխատանքի և հարաճուն ակտիվության ծնունդը, կոմունիստական կուսակցությունը մեծ աշխատանք էր կատարում աշխատավորությանը պետության կառավարման մեջ ընդգրկելու ուղղությամբ: Այդ նպատակով ՀԿ(Բ)Կ-ն մշակեց և ձեռնարկեց պետական իշխանության մարմինների և հասարակական կազմակերպությունների աշխատանքները բարելավելու մի շարք միջոցառումներ: Պետական ապարատի գործունեության կատարելագործման և այն մասսաներին մոտեցնելու հիմնական ուղիներից մեկը կուսակցությունը համարում էր սովետների աշխատանքի աշխուժացումը՝ բանվոր դասակարգի և աշխատավորության նորանոր զանգվածների ընդգրկման միջոցով: ՀամԿ(Բ)Կ և ԿՎՀ-ի 1926 թ. հուլիսյան միացյալ պլենումը նշում էր, որ սովետների աշխուժացման քաղաքականությունը ենթադրում է բանվոր դասակարգի առավելագույն ակտիվ մասնակցությունը սովետների աշխատանքին և նրա ղեկավարությունը բնակչության մյուս խավերի նկատմամբ²:

Սոցիալիզմի տնտեսական հիմքի կառուցման ժամանակաշրջանում ՀՍՍՀ բանվոր դասակարգը սովետներում ակտիվ ու բազմակողմանի գործունեություն էր ծավալել: Սովետներում բանվոր դասակարգի գործունեության ակտիվացման կարևոր նախապայմանը սոցիալիզմի նյութատեխնիկական բազայի ստեղծումն էր: Հանրապետության սոցիալ-քաղաքական կյանքում կատարված տեղաշարժերի հետևանքով փոխվեց բանվոր դասակարգի դիմադրժը, բարձրացավ նրա դերը երկրի հասարակական կյանքում, որի դրսևորման ձևե-

1 Վ. Ի. Լենին, ԵԼԺ, հ. 38, էջ 214:

2 «ՍՄԿՊ-ն համագումարների, կոնֆերենցիաների և Կենտկոմի պլենումների բանաձևերում ու որոշումներում», մաս. II, Երևան, 1955, էջ 341—344:

րից մեկը բանվորների ակտիվ գործունեությունն էր պետական իշխանության բարձրագույն մարմիններում՝ սովետներում։ Սովետների ընտրություններն աշխատավորությանը պետության կառավարման մեջ ներգրավելու առաջին աստիճանն են։ Սոցիալիստական պետության դարգացման առաջին փուլում, երբ երկրի սոցիալ-քաղաքական կյանքում ուժեղ էին սոցիալիզմին թշնամի տարրերը և ցածր էր աշխատավորության կուլտուրական մակարդակը, անհրաժեշտ էր սահմանադրաբար ապահովել բանվոր դասակարգի թվական գերակշռությունը սովետներում։ Կոմունիստական կուսակցությունը բանվորներին տրված ընտրական արտոնությունները համարել է ժամանակավոր միջոցառում։ Այն չի եղել սովետներում բանվոր դասակարգի աճն ապահովող հիմնական միջոց, այլ հանդիսացել է սովետների բանվորական միջուկի ամրապնդման լրացուցիչ երաշխիք։ Սովետներում բանվոր դասակարգի առաջատար դերը հիմնականում հետևանք էր այն բարձր վստահության ու հավատի, որ նրա նկատմամբ ունեին աշխատավորության ոչ պրոլետարական խավերը։

Սոցիալիստական հասարակության ընտրական սիստեմը բանվորներին հնարավորություն էր տալիս ոչ միայն ընտրվել սովետներում, այլև ակտիվորեն մասնակցել ընտրությունների կազմակերպմանը։ Կենտրոնական և տեղական ընտրական հանձնաժողովների աշխատանքներում լայնորեն ներգրավվում էին հանրապետության բանվոր դասակարգի լավագույն ներկայացուցիչները։ ՀՍՍՀ ընտրական հանձնաժողովների անդամների սոցիալական կազմի հետադիմությունը ցույց է տալիս, որ գրանցում աճում էր բանվորների թիվը։ Այսպես, 1930—1931 թթ. սովետների ընտրությունների ժամանակ հանրապետության կենտրոնական, քաղաքային, շրջանային և գյուղական ընտրական հանձնաժողովներում, նախորդ ընտրությունների համեմատությամբ, բանվորների աճը համապատասխանաբար կազմեց՝ 7,4, 21,6, 10,6 և 2,7%³։

Սոցիալիզմի տնտեսական հիմքի կառուցման ժամանակաշրջանում Հայկական ՍՍՀ-ում տեղի ունեցած սովետների ընտրությունների ընթացքում առավել բարձր ակտիվություն ցուցաբերեց բանվոր դասակարգը։ Իրականացվում էր մուսակցության հրահանգն այն մասին, որ «սովետների վերընտրությունների անցկացնելիս պրոլետարիատը պետք է երևան բերի առավելագույն ակտիվություն, կազմակերպվածություն և գիտակցականություն»⁴։ 1930/31 թթ. կամպանիայում քաղաքային ընտրական ժողովներին ամենաբարձր մասնակցությունը ցուցաբերեց բանվոր դասակարգը՝ 87,3%, որը նախորդ ընտրությունների համեմատությամբ ավելի էր 6,3%-ով, գյուղատնտեսներում՝ 74,5 (գյուղացիների մասնակցությունը 61,8% էր)⁵։ Հարկ է նշել, որ բանվոր դասակարգի առանձին ջոկատների կազմակերպվածության, գիտակցականության և քաղաքական հասունության մակարդակի հետ կապված՝ տարբեր էր բանվորների մասնակցությունն ընտրություններին։ Այսպես, Լենինականում արհմիություններում միավորված բանվորության մեջ սովետների վերահիշյալ ընտրություններում առավել բարձր ակտիվություն ցուցաբերեցին տպագրիչները՝ 100%, մետաղագործները՝ 98,4%, երկաթուղայինները՝ 96,8%, իսկ ամենամեղմալը՝ շինարարները (83,9%) և փոխադրողները (80,2%)⁶։ Ընտրությունների կարևոր փուլերից մեկը սովետների գործունեության համաժողովրդական քննարկումն էր, որը, լինելով աշխատավորության կողմից սովետների աշխատանքների վերահսկման գործում միջոց, մեծապես նպաստում էր մասսաների քաղաքական ակտիվության վերելքին։ Պրոլետարական դեմոկրատիան որպես ղեկավարատիայի բարձրագույն ձև, ապահովում էր բանվոր դասակարգի վճռական դերը սովետների գործունեության քննարկման ժամանակ։ Հանրապետու-

³ ՀՍՍՀ Նոկտեմբերյան հեղափոխության և սոցիալիստական շինարարության պետական կենտրոնական արխիվ (այսուհետև ՀՍՍՀ ՀՀՍՀ ՊԿԱ), ֆ. 112, ց. 2, 1 մաս, գ. 257, թ. 2։

⁴ ԵՍՄԿ-ն բանաձևերում, մաս II, էջ 450։

⁵ ՀՍՍՀ ՀՀՍՀ ՊԿԱ, ֆ. 112, ց. 3, գ. 398, թ. 28։

⁶ Ե. Ե. Ե. տեղում, գ. 391, թ. 48։

թյան կուսակցական, սովետական և արհմիութենական կազմակերպությունները կարևոր նշանակություն էին հատկացնում սովետների հաշվետու ժողովներին բանվորների ներգրավման հարցին: 1928/29 թթ. ընտրությունների կապակցությամբ ՀԱՄԻ-ի նախագահության հրահանգում նշվում էր, որ «անհրաժեշտ է հաշվետու ժողովներին մասնակից դարձնել բանվորական լայն մասնակցություն, հնարավորություն տալ նրանց քննելու սովետների գործունեության հետ կապված սոցիալիստական շինարարության հարցերը, բանվորների ուշադրությունը կենտրոնացնել սովետներում պրոլետարիատի գաղափարական գծի խեղաթյուրման ու աղավաղման բոլոր դրսևորումների վրա, սովետներում ընտրել ակտիվ, գործույա և հեղինակավոր բանվորներ»:

Հանրապետության բանվոր դասակարգն ակտիվորեն մասնակցում էր սովետների գործունեության քննարկմանը: Այսպես, 1930/31 թթ. ընտրությունների ժամանակ քաղսովետների հաշվետու ժողովներին մասնակցում էին բոլոր ընտրողների 71,9, իսկ բանվորների՝ 77,4%-ը, որը նախորդ ընտրությունների համեմատությամբ ավելի էր 29,8 %-ով⁸: Հաշվետու ժողովներում սովետների գործունեության վերաբերյալ ընտրողների կատարած առաջարկությունների հիման վրա կազմվում է նորընտիր սովետներին էին ներկայացվում պատվիրաններ (նախադեմեր), որոնց նախագծերի մշակմանն ու քննարկմանն ակտիվորեն մասնակցում էին բանվորները: Լենինականի նորընտիր քաղսովետին տեքստիլ գործարանի բանվորների տված պատվիրանում նշվում էր, որ քաղսովետը պետք է ունենա շինարարության պլան, քաղաքի հրապարակներից մեկում՝ պետք է կանգնեցվի Վ. Ի. Լենինի արձանը, արագացվեն գյուղացու տան, ջրովող կոյուղու և սպանդանոցի կառուցման աշխատանքները, բարեկարգվեն մայթերն ու փողոցները, բարելավվի աշխբորսայի գործունեությունը: Նշենք, որ այդ պատվիրանները հիմնականում կատարվել էին⁹: Սովետների գործունեության քննարկմանն ու նրանց ներկայացվող պատվիրանների մշակմանը բանվոր դասակարգի ցուցաբերած գործուն մասնակցության արտահայտություն էր այն, որ 1928/29 թթ. ընտրությունների ժամանակ քաղսովետների հաշվետու ժողովներում բանվորները կազմում էին ելույթ ունեցողների 64,9%-ը¹⁰:

Ընտրություններում բանվոր դասակարգի ղրսևորած ակտիվությունը հպաստում էր սովետների բանվորական միջուկի ամրապնդմանը: Սովետներում բանվոր դասակարգի առաջատար դերի արտահայտություններից մեկը բանվոր դեպուտատների թվի աճն էր, որին կոմունիստական կուսակցությունը առանձնապես կարևոր նշանակություն էր հատկացնում: Համկ(բ)Կ Անդերսկերկովի 1927 թ. հունվարի դիմումի մեջ ընտրություններում տեղական կազմակերպությունների առաջնակարգ խնդիրներից մեկը համարվում էր սովետների սոցիալական կազմի բարելավումը՝ բանվոր դասակարգի ներգրավման միջոցով¹¹:

Սոցիալիզմի տնտեսական հիմքի կառուցման ժամանակաշրջանում աճեց ՀՍՍՀ սովետների բանվորական կորիզը: Պրոլետարիատի դիկտատուրայի ամուր և հուսալի հենարանը միշտ էլ եղել են քաղաքային սովետները, քանի որ քաղաքներում էր կենտրոնացված բանվորության հիմնական մասը: Հանրապետության քաղսովետների դեպուտատների սոցիալական կազմի հետազոտումը ցույց է տալիս, որ զգալիորեն ավելացել էր բանվորների թիվը: Եթե 1926 թ. ՀՍՍՀ քաղսովետներում բանվորները կազմում էին դեպուտատների 36,4,

7 Նույն տեղում, ֆ. 112, ց. 4, գ. 209, թ. 124:

8 Նույն տեղում, գ. 208, թ. 9:

9 «Բանվոր», 25. XII. 1929:

10 ՀՍՍՀ ՀՆՄԵ ՊԿԱ, ֆ. 112, ց. 3, գ. 365, թ. 8:

11 «Նորհրդային Հայաստան», 30. I. 1927:

ապա 1931 թ.՝ 53,8%-ը¹², Հանրապետության բանվորաշատ երկու վայրերի՝ Երևանի և Լենինականի, քաղսովետներում 1931 թ. բանվորների թիվը 1926 թ. համեմատ աճեց 43,2%-ով, իսկ տեսակարար կշիռն ավելացավ 2 անգամ¹³, Հանրապետության գյուղական սովետներում բանվորների թիվը փոքր էր։ Նրանք հիմնականում գյուղատնտեսական բանվորներ և բատրակներ էին, որոնք չունեին քաղաքական հասունության բարձր մակարդակ։ Այնուհանդերձ, գյուղական պրոլետարիատը որոշակի դեր էր կատարում սովետներում, որտեղ ևս նկատելի էր նրա աճը։ Այսպես, 1929 թ. գյուղսովետների անդամ գյուղատնտեսական բանվորների ու բատրակների թիվը 1927 թ. համեմատ ավելացավ 7,1, իսկ նախագահների մեջ՝ 9,8%-ով¹⁴։

Հանրապետության տեղական սովետներում բանվորների աճը ուղեկցվում էր սովետների համահայաստանյան համագումարներում և Կենտրոնական գործադիր կոմիտեում (Կենտգործկոմ) նրա թվի ավելացմամբ։ շՍՍՀ սովետների 6-րդ համագումարում (1929) բանվորները կազմում էին պատգամավորների 34,4%-ը, որը 4-րդ համագումարի համեմատ (1925) ավելի էր 18,7%-ով¹⁵։ Սովետների համագումարների միջև ընկած ժամանակահատվածում հանրապետության պետական իշխանության բարձրագույն մարմինը Կենտգործկոմն էր, որի աշխատանքներում ներգրավված բանվորների թվի աճը ևս զգալի էր. 1931 թ. շՍՍՀ Կենտգործկոմում բանվորները կազմում էին նրա անգամների 32%-ը, որը 1929 թ. համեմատ ավելի էր 7,8%-ով¹⁶։ Կոմունիստական կուսակցությունը ոչ միայն հոգ էր տանում բանվորներին սովետներում ընդգրկելու մասին, այլև զարգացնում էր նրանց նախաձեռնությունը, սովետներից նույնիսկ պետություն կառավարելու Դա արտահայտվում էր սովետների գործադիր մարմիններում բանվորների ներկայացուցչությամբ։ Փաստերը ցույց են տալիս, որ, որպես կանոն, սովետների նախագահության անդամ բանվորների տեսակարար կշիռը բարձր էր բանվոր ղեկուսատուների տոկոսային հարաբերությունից։ Այսպես, 1927 թ. բանվորները կազմում էին Երևանի քաղսովետի ղեկուսատուների 45, իսկ նախագահության անգամների՝ 58,1%-ը, Լենինականում՝ համապատասխանաբար 31, 9 և 47, 1%-ը, գյուղսովետներում՝ 6,7 և 8,9%-ը¹⁷, շՍՍՀ Կենտգործկոմում՝ 18,7, նրա նախագահությունում՝ 45,4

0,1%-ը¹⁸։ Սովետներում բանվոր դասակարգի առաջատար դերն ու ռեալ ազդեցությունը սրուշվում էր ոչ միայն բանվոր ղեկուսատուների թվով, այլև նրանց պետական-քաղաքական հասունությամբ, դասակարգային ինքնագիտակցությամբ, սոցիալիզմի իդեալներին նվիրվածությամբ։

Սովետների գործունեության մասշտաբների ու արդյունավետության աճը մեծապես կախված էր բանվոր ղեկուսատուներից, այն վիթխարի քաղաքական, գաղափարական ու բարոյական ազդեցությունից, որ ունեւր բանվոր դասակարգը սովետների աշխատանքների վրա։ Չնայած սոցիալիզմի տնտեսական իմքի կառուցման ժամանակաշրջանում շՍՍՀ քաղաքները թվով քիչ էին, այնուհանդերձ, հանրապետության քաղսովետներում բանվոր դասակարգի ծավալած ակտիվ ու բազմակողմանի գործունեությունը մեծ հետաքրքրություն է ներկայացնում։ Ժողովրդական մասսաներին սովետների գործնական աշխատանքներում ներգրավելու կարևոր միջոցներից մեկը քաղսովետի սեկցիաներն

12 շՍՍՀ շՍՍՀ ՊԿԱ, ֆ. 112, ց. 2, 1 մաս, գ. 134, թ. 14—20։

13 Հ. Ս. Վարապետյան, Սովետական Հայաստանի բանվոր դասակարգի ձևավորումը և զարգացումը (1920—1940), Երևան, 1980, էջ 147։

14 շՍՍՀ շՍՍՀ ՊԿԱ, ֆ. 112, ց. 3, գ. 366, թ. 1—5։

15 Նույն տեղում, գ. 398, թ. 60։

16 Նույն տեղում, թ. 20։

17 Նույն տեղում, գ. 366, թ. 10։

18 Նույն տեղում, գ. 368, թ. 180—182։

էին: Դրանք սովետների ամենամասսայական օղակներն էին, որտեղ պետության կառավարման դպրոց էին անցնում աշխատավորական լայն զանգվածները, դաստիարակվում ու կոփվում էին ղեկավար կադրեր: Բանվորները լայնորեն ներգրավվում և ակտիվորեն մասնակցում էին քաղսովետների սեկցիաների աշխատանքներին: Նրանց թիվն առանձնապես մեծ էր առանցքային սեկցիաներում և պատահական չէ, որ դրանց նիստերին ղեպուտատների մասնակցությունն ամենաբարձրն էր: Այսպես, Լենինականի քաղսովետի կոմունալ տնտեսական սեկցիայում բանվորները կազմում էին անդամների 73,5, տրանսպորտայինում՝ 66,7, արդյունաբերականում՝ 61,8%-ը, իսկ դրանց նիստերին մասնակցությունը համապատասխանաբար կազմում էր 85, 80, 81%: Համամատուցյան համար նշենք, որ ժողովրդական լուսավորության սեկցիայի անդամների մասնակցությունը 32,4% էր¹⁹: Բանվոր ղեպուտատներն ակտիվորեն ու նվիրումով էին մասնակցում սեկցիաների աշխատանքներին՝ մեծապես նպաստելով դրանց գործունեության արդյունավետությանը և նպատակասլացությանը: Ուշագրավ է օրինակ, Երևանի քաղսովետի 1928 թ. հաշվետվությունը, ուր նշված է, որ «սեկցիաներից ամենակենսունակը կոմունալ-շինարարական սեկցիան է, որի նիստերում քննության առնված հարցերը և ընդունված որոշումները կազմել են քաղսովետի և կոմունալ բաժնի աշխատանքների առանցքը: Սեկցիայի աշխատանքների աշխուժացման նախապայմանը նրա բանվորական կազմն է (66,3%), որը մեծ հետաքրքրություն էր հանգես բերում քննարկող հարցերի նկատմամբ: Այս սեկցիայի բոլոր որոշումները եղել են ուշագրավ իրենց գործնականության տեսակետից, որի համար մրցանակաբաշխության ժյուրին արժանավոր սեկցիայի մրցանակը հատկացրել է նրան»²⁰: Սեկցիաների բանվոր անդամներից կազմակերպվում էին բրիգադներ, որոնք ստուգում էին հիմնարկ-ձեռնարկությունների աշխատանքները: Երևանի քաղսովետի կոոպերատիվ-առևտրական սեկցիային կից կազմակերպված բանվորական բրիգադը (49 բանվոր) 1930 թ. ստուգել էր քաղաքի հիմնարկ-ձեռնարկություններում բանվորական մատակարարման վիճակը, որի վերաբերյալ քաղսովետին տվել էին 19 զեկուլց: Բրիգադը հայտնաբերել էր, որ որոշ ձեռնարկություններում (կարի, ծխախոտի, փայտամշակման) չկան ճաշարաններ, իսկ մի քանիսում էլ (պահածոների, մեխանիկական, մետաքսի) անբավարար էր բանվոր-ծառայողների սննդի որակն ու ճաշարանների սանիտարական վիճակը: Քաղսովետը, հաշվի առնելով բրիգադի առաջարկությունները և ձեռնարկությունների բանվորների ցանկությունները, ձեռնարկել էր միջոցառումներ, որի հետևանքով փայտամշակման ու կարի գործարաններում բացվել էին ճաշարաններ, մեխանիկական, կարրիդի և պահածոների գործարաններին կից կազմակերպել էին խանութներ ու բուֆետներ, որոշ չափով բարելավվել էր քաղաքի մյուս հիմնարկ-ձեռնարկությունների ճաշարանների սանիտարական վիճակն ու սննդի որակը²¹:

24(բ) VI համագումարը, նշելով որ «սեկցիաների աշխատանքներին ակտիվ մասնակցություն են ցուցաբերում հատկապես բանվոր ղեպուտատները»²², բարձր գնահատեց նրանց ծավալած բազմակողմանի գործունեությունը:


Բանվոր դասակարգն իր առաջատար ղեքը սովետներում իրականացնում էր ոչ միայն ղեպուտատների ու ակտիվիստների միջոցով: Բանվորներին սովետների աշխատանքներին առավել լայնորեն մասնակից դարձնելու, նրանց պահանջներին ու ցանկություններին ավելի մոտիկից ծանոթանալու, մասսա-

19 Նույն տեղում, գ. 408, թ. 11—47:

20 Նույն տեղում, ց. 2, գ. 952, թ. 119:

21 Նույն տեղում, ց. 2, 1 մաս, գ. 248, թ. 1—3:

22 «Հայաստանի Կ(բ)Կ համագումար, 24(բ)Կ Կենտկոմի հաշվետու ելութի 24(բ)Կ 6-րդ համագումարին», Երևան, 1929, էջ 93:



ների հետ կենդանի կապը պահպանելու նպատակով քաղսովետների նախագահության և սեկցիաների նիստերը հաճախ անց էին կացվում արտադրական ձեռնարկություններում: Բանվորներն ակտիվորեն ու հետաքրքրությամբ էին մասնակցում դրանց՝ իրականացնելով սովետների գործունեության ամենօրյա վերահսկումը: Քաղսովետների նախագահության նիստերը հաճախ տեղի էին ունենում այն ձեռնարկություններում, որոնք թերախում էին արտադրական պլանների կատարման հարցում, ուր ցածր էր բանվոր-ծառայողների կարգապահությունը և թույլ էր սոցմրցությունն ու հարվածայնությունը: Այդ ձեռնարկություններում գումարված նիստերում բանվորների ակտիվ ու գործուն մասնակցության շնորհիվ վեր էին հանվում արտադրության զարգացմանը խոչընդոտող բացերը: Այսպես, 1931 թ. Երևանի «Արարատ» տրեստում կայացած քաղսովետի նախագահության նիստը, որին մասնակցում էին նաև լիմոնադի և գարեջրի գործարանների բանվորները, լսեց ձեռնարկության վարչության գեներալը՝ արդյունաբերական պլանների թերակատարման մասին: Ձեկուցման քննարկման ժամանակ բանվոր-ծառայողները որպես պլանների թերակատարման հիմնական պատճառներ նշեցին գործարանում սոցմրցման ու հարվածայնության թույլ ծավալումը, հումքի անկանոն մատակարարումը, աշխատանքային կարգապահության ցածր լինելը և այլն: Ձեռնարկության արտադրական պլանների ճեղքվածքները վերացնելու նպատակով քաղսովետն ընդունեց ընդարձակ որոշում²³:

Սովետներում բանվոր դասակարգի գործունեության նոր ձև էին 1930-ական թվականներին մեր երկրում լայն տարածում առացած դեպուտատական խմբերը: Դեպուտատական խմբերի տարածումը կասկած էր սովետների աշխատանքների վերակառուցման հետ, որի նպատակն էր սովետների գործունեությունն ավելի մոտեցնել սոցիալիստական շինարարության խնդիրներին: Ինչպես նշվում էր ՀՍՍՀ Կենտգործկոմի 1931 թ. հրահանգում, «շրջադարձը դեպի արտադրության հարցերը պահանջում է, որ սովետները սերտ կապ հաստատեն գործարանների և արտադրական ձեռնարկությունների հետ, որի համար անհրաժեշտ է արտադրության մեջ ստեղծել և ամրապնդել սովետների ստորին բջիջները՝ դեպուտատական խմբերը»²⁴: Դեպուտատական խմբերը կազմակերպվում էին այն հիմնարկ-ձեռնարկություններում (նաև կոլտնտեսություններում ու սովխոզներում), որտեղ աշխատում էին սովետների առնվազն 3 դեպուտատ: Նրանք իրավունք ունեին գործելու միայն այդ ձեռնարկության շրջանակներում և պետք է աջակցեին արտադրական պլանների անխափան կատարմանը, հետևեին ձեռնարկություններում կուսակցության ու կառավարության որոշումների կենսագործմանը, օգնեին սովետներին՝ բարելավելու բանվորների կուլտուր-կենցաղային պայմանները, ամրապնդեին սովետների և մասսաների միջև ամենօրյա կապը: ՀՍՍՀ-ում դեպուտատական խմբերը ստեղծվեցին 1931 թ. սկզբներին և շուտով լայն տարածում ստացան: Եթե 1931 թ. օգոստոսին հանրապետության արտադրական ձեռնարկություններում կային 12 դեպուտատական խմբեր՝ 127 անդամներով, ապա մի տարի հետո՝ 112 խումբ, 3470 անդամներով²⁵: Դեպուտատական խմբերի անդամների գերակշռող մասը արտադրության բանվորներ էին: Այսպես, 1931 թ. Երևանի 17 հիմնարկ-ձեռնարկությունների դեպուտատական խմբերում բանվորները կազմում էին անդամների 77,7%-ը²⁶: Չնայած դեպուտատական

²³ ՀՍՍՀ ՀՀՄԾ ՊԿԱ, ֆ. 112, ց. 2, գ. 1041, թ. 32:

²⁴ Նույն տեղում, 1 մաս, դ. 353, թ. 31:

²⁵ Նույն տեղում, ց. 2, գ. 368, թ. 1:

²⁶ Նույն տեղում, գ. 1123, թ. 90:

խմբերի մեծ մասը ղեկավարում էր կազմակերպչական ընթացքում, այնուհանդերձ նրանք լայն գործունեություն էին ծավալել: Երևանի քաղսովետը, բարձր գնահատելով մեխանիկական, կարի, պահածոների և փայտամշակման գործարանների ղեկավարողական խմբերի կատարած աշխատանքները, նշում էր, որ: Նրանց անմիջական նախաձեռնությամբ այդ ձեռնարկություններում կազմակերպվել էին տնտեսաշարկային բրիգադներ, հսկիչ կետերի միջոցով իրականացվել էր արտադրամասերի աշխատանքների վրա հսկողություն, ստուգող խմբերի օգնությամբ հսկողություն էր սահմանվել վերադաս մարմինների որոշումների կատարման վրա, օժանդակություն էր ցույց տրվել երկրորդային հումքի արտադրամասերի ստեղծմանը²⁷: Կարի գործարանի և «Երկոշ» արտելի ղեկավարողական խմբերը վերցրել էին քաղաքամերձ որոշ գյուղերի շենքերը և այնտեղ գտնաբերված նիստերում հաճախակի լսել գյուղսովետների ու կոլտնտեսությունների վարչությունների ղեկուցումներին իրենց աշխատանքների մասին, բերքահավաքի ժամանակ օգնել նրանց²⁸:

1932 թ. ղեկտնմերին կապացած շՍՍՁ արտադրական ձեռնարկությունների ղեկավարողական խմբերի առաջին խորհրդակցությունը, բարձր գնահատելով խմբերի գործունեությունը, ընդգծեց, որ ղեկավարողական խմբերը ձեռնարկություններում դարձել են սովետների մասսայական աշխատանքների ամենակենսունակ և նպատակահարմար ձևերից մեկը, որոնք մեծ աշխատանք են տանում արտադրական պլանների կատարման, աշխատանքի արտադրողականության բարձրացման, արտադրանքի ինքնարժեքի իջեցման, ռանվորների կուլտուր-կենցաղային պայմանների բարելավման ուղղությամբ²⁹:

Սովետներում բանվոր հասակարգի գործունեությունն ակտիվացման համար կարևոր նշանակություն ունեցավ մեր երկրում անցկացված սովետների աշխատանքների ստուգատեսը, որի նախաձեռնողը խորհրդի քաղսովետն էր (ստուգման էին ենթարկվում քաղսովետների ու գյուղսովետների աշխատանքները): Քաղսովետների աշխատանքների ստուգատեսի նպատակն էր բարձրացնել քաղսովետի դերը որպես կուսակցության զբլխավոր գծի կենսագործող, սեկցիաների գործունեությունը վերակառուցել այնպես, որ դրանց աշխատանքներն ավելի մոտենան արտադրության խնդիրներին, ձեռնարկություններում ամրապնդել և ծավալել ղեկավարողական խմբերի ցանցը: Անդրկենտգործկոմի հրահանգով շՍՍՁ-ում ստուգատեսն անցկացվեց 1931 թ. նոյեմբեր— 1932 թ. հունվար ամիսներին, որի ընթացքում 296 կոմպլեքսային ու մասսայական բրիգադներ ստուգման ենթարկեցին 63 հիմնարկ-ձեռնարկություն, ստուգատեսի մեջ ներգրավվեց ավելի քան 1500 բանվոր-ծառայող³⁰: Ստուգատեսի աշխատանքները ղեկավարելու համար քաղսովետներին կից ստեղծվել էր շտաբ, որը սեկցիաների անդամներից կազմակերպում էր կոմպլեքսային բրիգադներ և դրանք ամրացնում հիմնարկ-ձեռնարկություններին: Այդ բրիգադների աշխատանքներին օգնելու և օժանդակելու նպատակով ձեռնարկություններում ստեղծվում էին մասսայական բրիգադներ: Ստուգատեսի կոմպլեքսային և մասսայական բրիգադների խնդիրներն էին. արտադրության մեջ եղած ձեռքավորները վերացնելու համար օգնել կազմակերպելու հանդիպական պլաններ՝ զարկ տալով սոցմիցմանն ու հարվածախնությանը, արտադրամասերում ստեղծել տնտեսաշարկային բրիգադներ, ստուգել սովետներին ընտրողների տված պատվիրանների կատարումն ու ղեկավարողական խմբերի աշխատանքները և այլն: Հանրապետության բանվոր հասակարգը լայնորեն ներգրավված էր քաղսովետների աշխատանքների ստուգատեսին. շտաբների, կոմպլեքսային ու մասսայական բրիգադների անդամներից բանվորներ էին համապատասխանաբար 65, 60, 8

27 Նույն տեղում, գ. 1123, թ. 90:

28 Նույն տեղում, թ. 150:

29 Նույն տեղում, գ. 368, թ. 1:

30 Նույն տեղում, գ. 1083, թ. 60:

և 51%-ը³¹։ Ստուգատեսի բրիգադները մեծ աշխատանք էին կատարում հիմնարկ-ձեռնարկությունների աշխատանքների բարելավման ուղղությամբ։ Լեւինականի քաղսովետը նշում էր, որ «ստուգատեսի ընթացքում բրիգադները քանվորների ակտիվ ու լայն օժանդակությամբ ոչ միայն հայտնաբերել են ձեռնարկությունների աշխատանքների բացերն ու թերությունները, այլև դործնականորեն մասնակցել դրանց վերացմանը»³²։

Ստուգատեսի մեծ խթան հանդիսացավ ձեռնարկություններում արտադրական պլանների կատարման, աշխատանքային կարգապահության բարձրացման, սոցմրցման ու հարվածայնության ծավալման համար։ Այսպես, Լեւինականի տեքստիլ գործարանը նոյեմբեր ամսվա պլանը կատարել էր 74,7, իսկ ղեկավարները՝ 94,9%-ով, ղեկտեմբերին սոցմրցման մեջ էր եղել 1071, իսկ հունվարին՝ 1384 բանվոր, ղեկտեմբերին կազմակերպվել էր 16, իսկ հունվարին՝ 31 տնտհաշվարկային բրիգադ, նոյեմբերին եղել էր 293 բանվորական օր դործալքում, իսկ հունվարին՝ 64³³։ Ստուգատեսի մեծապես նպաստեց ձեռնարկություններում ղեկավարողական խմբերի աճին ու ամրապնդմանը, որոնք լայնորեն օժանդակում էին ստուգատեսի բրիգադների աշխատանքներին։ Եթե մինչև 1931 թ. նոյեմբերը հանրապետության ձեռնարկություններում գործում էին 17 ղեկավարողական խմբեր՝ 175 անդամներով, ապա ստուգատեսի վերջում՝ 56 խմբեր՝ 1120 անդամով³⁴։ Քաղսովետների աշխատանքների ստուգատեսը, որին ակտիվորեն մասնակցեց հանրապետության բանվոր դասակարգը, կարևոր նշանակություն ունեցավ սովետների գործունեության վերակառուցման համար։

Հանրապետության բանվոր դասակարգն ակտիվորեն մասնակցում էր ՀՍՍՀ սովետների համագումարների աշխատանքներին։ Բանվորներն աշխատանքային մեծագույն խանդավառությամբ էին դիմավորում սովետների համահայաստանյան յուրաքանչյուր համագումար։ Բանվոր դասակարգի քաղաքական բարձր հասունության ու ստեղծագործական անսպառ եռանդի դրսևորումներին էր համագումարների պատվին աշխատանքային պարտավորությունների ընդունումը։ Երևանի պահածոների գործարանը ՀՍՍՀ սովետների VII համագումարի անունով կազմակերպել էր 10 հարվածային բրիգադ 130 բանվորով, պարտավորվել աշխատանքի արտադրողականությամբ բարձրացնել 28,3%-ով, բարելավել արտադրանքի որակն ու ինքնարժեքը իջեցնել 20%-ով, վերացնել գործալքումները³⁵։ Համագումարներում բանվորներն ակտիվորեն մասնակցում էին ժողովրդատնտեսական կարևոր նշանակություն ունեցող հարցերի քննարկմանը, հանդես գալիս բազմաթիվ հետաքրքիր ու արժեքավոր առաջարկություններով՝ խորապես գիտակցելով յուրաքանչյուր ձեռնարկության, արտադրական յուրաքանչյուր բջջի նշանակությունը սոցիալիստական շինարարության առաջընթացի համար։ ՀՍՍՀ սովետների VI համագումարում (1929) առաջին հնգամյա պլանի քննարկմանը մասնակցել էր մոտ 100 մարդ, որոնց մեջ քիչ չէին բանվորները³⁶։

Այսպիսով, կուսակցության ձեռնարկումների հետևանքով սոցիալիզմի տնտեսական հիմքի կառուցման ժամանակաշրջանում աճեց և ամրապնդվեց ՀՍՍՀ սովետների բանվորական միջուկը։ Սովետների բազմազան օղակներում բանվոր ղեկավարողների ծավալած լայն ու բազմակողմանի գործունեությունը մեծապես նպաստեց դրանց աշխատանքների արդյունավետության բարձրացմանը։ Սովետներում բանվոր դասակարգի ակտիվ գործունեությունը ապա-

31 Նույն տեղում, ց. 3, գ. 414, թ. 22—25։

32 Նույն տեղում, ց. 2, 1 մաս, գ. 337, թ. 60։

33 Նույն տեղում, թ. 101—103։

34 Նույն տեղում, թ. 74—77։

35 «Խորհրդային Հայաստան», 14. II. 1931։

36 ՀՍՍՀ ՀՀՍԵ ՊԿԱ, ֆ. 112, ց. 3, դ. 15, թ. 226։

ցույցն էր լինելու ան դրույթի ճշմարտացիության, որ սոցիալիզմի ժամանակ ժողովրդավարական հասարակությունների պատմության մեջ առաջին անգամ բնակչության մասսան կրարձրանա ան աստիճանի, որ նա կկարողանա ինքնուրույն մասնակցել ոչ միայն քվեարկություններին ու ընտրություններին, այլև ամենօրյա կառավարմանը»³⁷։

ДЕЯТЕЛЬНОСТЬ РАБОЧЕГО КЛАССА АРМ. ССР В СОВЕТАХ В ПЕРИОД СОЗДАНИЯ ЭКОНОМИЧЕСКИХ ОСНОВ СОЦИАЛИЗМА (1926—1932)

ВИКТОР ДАЛЛАКЯН

Резюме

В период создания экономических основ социализма возрастала роль рабочего класса Армянской ССР в советах. Рабочий класс республики принял активное участие в выборах советов и их деятельности. Одним из проявлений ведущей роли рабочего класса в советах является рост числа депутатов—рабочих в них, чему Коммунистическая партия придавала особое значение. В рассматриваемый период укрепилось пролетарское ядро советов, рабочий класс республики развернул в них активную и разностороннюю деятельность.

³⁷ Վ. Ի. Լենին, ԵԼԺ, հ. 33, էջ 149։